

IOANNES SCHONER CAROLOSTADIVS GEORGIO TANSTETERO REGIO MEDICO S. D.



VM aliquando, ut sæpe facio, uersanti mihi relictos ex opulentis. bibliotheca Ioan. de Regiomonte libros, nec numero nec argumento cum amissis cõparandos, sed qui tamẽ omnes essent optimi, uenisset in manus meas libellus de quadratura circuli comparatus à Regiomontano aduersus inuenta hac de re Card. Cusani: statim dignus mihi libellus uisus fuit, qui studiosis Mathematicarum disciplinarum communicaretur: sed per ocium introspicienti hoc multo magis, quo melior utiliorq; apparuit. Cum autem placeret mihi commendari hunc libellum præter autoris opinionem etiam alicuius horum temporũ excellentis uiri nomine, tu mihi in primis occurrebas, qui quamuis egregium librum accessione famæ tuæ ornare augereq; posses, Georgi Tanstetere, propter eximiam & perfectã cognitionem rerum Mathematicarum, quarum doctrina eã laudem & gloriam es adeptus, ut cum ueteribus facile parem te præstantia tua faciat, tum quem conferre tecum ex omnib. nationib. iure possimus inueniatur nemo. Mihi igitur, & admiranti te & colenti, quod tibi ignotũ esse nequit, diu iã curæ fuit declarandæ uoluntatis, iudicijq; de te mei omnibus si possem mortalibus. Qua in cupiditate quæ aptior occasio potuisset sese offerre mihi, quàm dedicandi tibi hunc libellum, doctissimi uiri, utriq; nostrum natione, mihi etiam patria coniuncti. Cuius ut magnitudinẽ doctrinæ Italicos etiam & Græcanicos cõstaret admiratos, ita relinqueretur intelligendum omnibus, quanti te faceremus, cuius nomen ornamento clariss. autoris singulari scripto futurum esse iudicassemus. Neq; te inuitum testimoniũ iudicij nostri admissurum confido, quum & te honorifice de me sentire, & nos diligentia & laboribus innotuisse studiosis, illorumq; nonnullam esse existimationem de meis studijs sciam. Quod si quis rem ipsam, & illud, quo de agitur, expendere uolet, inuenietur profecto celebritate tua dignissima materia. Nam tanto ab hinc annorum interuallo tentatum opus, neq; postea de manibus doctorum depositum, ad nostramq; ætatem usq; retentũ, certe debet nequaquam contemnendũ uideri. Inuenio autem Anaxagoræ tribui in circuli quadratura exquirenda, singularem laudem, eumq; in carcere, in quem esset coniectus ab Atheniensibus,